

79. stjórnarfundur Bergrisans bs.

2.12.2024

Staðsetning: fjarfundur á Teams.

Fundur hófst klukkan 13:00.

Fundinn sátu: Bragi Bjarnason, Elliði Vignisson, Sandra Sigurðardóttir, Ása Valdís Árnadóttir og Eggert Valur Guðmundsson.

Frá Bergrisanum voru Bjarki R. Kristjánsson og Íris Ellertsdóttir.

Dagskrá

1. Breyting á stjórn og kosning varaformanns og ritara

Á aðalfundi Bergrisans bs. þann 14. október 2024 urðu breytingar á stjórn. Anton Kári Halldórsson fer úr stjórn og verður varamaður og í hans stað kemur Eggert Valur Guðmundsson sem var áður varamaður. Stjórn og starfsfólk Bergrisans þakkar Antoni kærlega fyrir hans framlag til Bergrisans og óskar honum velfarnaðar í næstu verkefnum. Einnig kemur inn nýr varamaður frá Árborg, Sveinn Ægir Birgisson.

Skv. samþykktum Bergrisans er Bragi Bjarnason sjálfkjörinn formaður. Á fundinum voru lagðar fram tillögur um að Ása Valdís Árnadóttir yrðir varaformaður og að Elliði Vignisson yrði ritari.

Stjórn samþykkir samhljóða tillögur um varaformann og ritara.

2. Minnisblað frá Arnardrangi hses.

Arnardrangur hses. óskaði eftir umsögn Bergrisans um minnisblað vegna eignarhalds á húsnæði í málaflokki fatlaðra. Stjórn Bergrisans bókar eftirfarandi umsögn:

Stjórn Bergrisans bs. barst minnisblað frá Arnardrangi íbúðafélagi hses. um eignarhald á húsnæði í málaflokki fatlaðra á starfssvæði Bergrisans. Í minnisblaðinu eru lagðir fram fjórir möguleikar, þ.e. að eignarhald sé hjá Bergrisanum bs., að eignarhald sé hjá Arnardrangi íbúðafélagi hses., að eignarhald sé hjá Brák íbúðafélagi hses. eða að eignarhald sé hjá viðkomandi sveitarfélagi. Stjórn Bergrisans tekur undir þann rökstuðning í minnisblaðinu um að eignarhaldið skuli ekki vera hjá Bergrisanum til að gæta að aðskilnaði á þjónustu skv. lögum nr. 38/2018 og styður jafnframt þá niðurstöðu að eignarhaldið skuli vera hjá Brák íbúðafélagi eða sveitarfélagunum. Stjórn Bergrisans gerir því ekki athugasemdir við minnisblaðið.

3. Fundargerðir Þjónusturáðs

Verkefnastjóri kynnir fundargerðir Þjónusturáðs númer 184 og 185. Sex liðir eru lagðir fram til frekari umræðu:

3.a. Kostnaðarþátttaka á sértæku vistunar- og skólaúrræði

Lögð er fram beiðni um kostnaðarþátttöku vegna tímabundinnar þjónustu við barn í sértæku vistunar- og skólaúrræði vegna ársins 2024 og 2025. Þjónusturáð leggur til við stjórn að samþykkja beiðni um kostnaðarþátttöku í samræmi við leiðbeiningar BOFS og með fyrirvara um fjármögnun skv. framlögum Jöfnunarsjóðs sveitarfélaga. Kostnaður vegna þjónustunnar eru 110 m.kr. árið 2024.

Stjórn samþykkir tímabundna kostnaðarþátttöku með fyrirvara um fjármögnun frá Jöfnunarsjóði

3.b. Erindi um aukningu á fjölda tíma í NPA samningi

Þjónusturáði barst erindi um aukningu tíma í NPA samningi, bæði afturvirktil til að bæta upp halla og til framtíðar til að tryggja rekstrargrundvöll samningsins. Þjónusturáð leggur til að synja erindinu enda eru viðbótarútgjöld ekki í samræmi við gildandi samning og ekki á ábyrgð Bergrisans eða sveitarfélaga og það hefur ekki verið sýnt fram á þörf fyrir aukna þjónustuþörf í samráði við velferðarsvið eða Bergrisann.

Stjórn staðfestir niðurstöðu þjónusturáðs og synjar erindinu.

3.c. Beiðni um aukningu á fjölda tíma í NPA samningi - 102589

Vegna aukinnar stuðningsþarfar er óskað eftir að hækka tímafjölda í samningi aðila með auðkennið 102589. Kostnaður Bergrisans á ári verður 28.112.460 kr og leggur þjónusturáð til að umsóknin verði samþykkt.

Stjórn staðfestir niðurstöðu þjónusturáðs og samþykkir umsóknina.

3.d. Umsókn um NPA samning - 105466

Aðili með auðkennið 105466 sækir um NPA samning. Um er að ræða samtals 12.074.532 kr hjá Bergrisanum og leggur þjónusturáð til að umsóknin verði samþykkt.

Stjórn staðfestir niðurstöðu þjónusturáðs og samþykkir umsóknina.

3.e. Umsókn um NPA samning - 105467

Aðili með auðkennið 105466 sækir um NPA samning. Um er að ræða samtals 12.074.532 kr hjá Bergrisanum og leggur þjónusturáð til að umsóknin verði samþykkt.

Stjórn staðfestir niðurstöðu þjónusturáðs og samþykkir umsóknina.

3.f. Verkfall hjá F.Su.

Þegar stjórn fundaði var nýlega búið að samþykkja frestun verkfalls í Fjölbrautaskóla Suðurlands. Stjórn fagnar frestun verkfalls og vekur athygli á að nemendur á sérnámsbraut eru í mjög viðkvæmri stöðu og getur verkfall haft slæmar afleiðingar á líðan og stöðu þessara ungmenna.

4. Framlög til úrbóta á aðgengismálum fatlaðs fólks

Fasteignarsjóði Jöfnunarsjóðs er heimilt að úthluta allt að 415 mkr í sérstök framlög sem nema 50% af heildarkostnaði framkvæmda á árinu 2024. Fasteignarsjóður hefur sett viðmið um dreifingu fjármagnsins og er áætlað að Suðurland fái allt að 39,74 mkr úthlutað. Er þjónustusvæðum gert að standa saman að

umsóknum vegna verkefnisins og óskaði Bergrisinn eftir umsóknum frá aðildarsveitarfélögum fyrir á árinu og er umsóknarfrestur liðinn. Alls bárust fjórar styrkumsóknir.

- Sveitarfélagið Árborg - bílastæði fyrir hreyfihamlaða. Heildarkostnaður: 2.846.679. 50% styrkur: 1.423.339.

- Hrunamannahreppur - bætt aðgengi í félagsheimili. Heildarkostnaður: 11.119.000. 50% styrkur: 5.559.500.

- Hrunamannahreppur - bætt aðgengi í íþróttahúsi. Heildarkostnaður: 14.455.900. 50% styrkur: 7.227.950.

- Rangárþing eystra - breyting á húsnæði VISS. Heildarkostnaður: 11.246.900. 50% styrkur: 5.623.450.

- Skaftárhreppur - breyting á aðgengi að grunnskóla, mótuneyti, skrifstofu sveitarfélags og bókasafni. Heildarkostnaður: 11.288.895. 50% styrkur: 5.644.448.

Samtals var því sótt um styrki að upphæð 25.478.687.

Stjórn samþykkir þessa fimm styrki en felur jafnframt verkefnastjóra að auglýsa viðbótarumsóknarfrest fyrir eftirstöðvar styrksins.

Elliði vikur af fundi kl. 14:00.

5. Nýtt húsnæði á Hvolsvelli

Stjórn samþykkir að fara í viðræður við Brák íbúðafélag hses. um byggingu á nýjum búsetukjarna á Hvolsvelli. Er starfsfólki Bergrisans falið að hefja viðræður við forsvarsmenn Brákar.

6. Skaftholt

Verkefnastjóri og skrifstofustjóri fóru yfir málefni Skaftholts ásamt ársreikningi 2023 og drög að uppskiptingu félagsins.

Samningur við Skaftholt er að renna út um áramót og felur stjórn verkefnastjóra og skrifstofustjóra að ganga frá skammtímasamkomulagi við Skaftholt um áframhaldandi þjónustu til allt að 12 mánaða.

7. Önnur mál

Lagt er til að næsti stjórnarfundur verði 27. janúar.

Samþykkt að halda vinnufund stjórnar mánudaginn 13. janúar 2025 kl. 13 í Bankanum.

Fundi slitið klukkan 14:45.

Undirritunarsíða

Ása Valdís Árnadóttir

Elliði Vignisson

Sandra Sigurðardóttir

Bragi Bjarnason

Eggert Valur Guðmundsson